



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

62/7996


454

562

2752

2752

10/96



ՊԱՏՄՈՒԹԻՒՆ

ԼԱԶԱՐԵԱՆ ՃԵՄԱՐԱՆԻ



Պ Ա Տ Մ ՈՒ Թ Ի Ի Ն

Ծ Ի Ն ՈՒ Թ Ե Ա Ն Լ Ա Զ Ա Ր Ե Ա Ն Ժ Ե Մ Ա Ր Ա Ն Ի Ն

Ո Ր Ի Մ Ո Ս Կ Վ Ա

Ե Ր Ի Ն Կ Ա Ր Ե Կ Ի Ր Ա Ր Գ Ի Հ Ա Ն Գ Ա Մ Ե Ն Ա Յ Ն Ո Ր Ի Ն

Տեարց Լազարեանց ճեմարանն Արևելեան ընդուաց որ 'ի Մոսկ-
վա՝ կառուցեալ է յամի Տեառն 1813, 'ի Ներգործական Պետական
Խորհրդականէ և 'ի Հրամանատար Ասպետէ՝ 'ի Յովհաննէ Լազա-
րեան Լազարեանց, և յեղբօրէ նորա 'ի Յովակիմայ Լազարեան Լա-
զարեանց. և առ 'ի մշտնջենաւոր պահպանութիւն՝ յապահովու է
կացուցեալ պէսպէս կարևոր շինուածովք և զլսովք դրամոցն, զորս
նուիրեալ են ընդ ժամանակս ժամանակս՝ նախայիշատակեալ Հիմ-
նադիրք նորին, և ժառանգք նոցա՝ Յովհաննէս և Խաչատուր Յո-
վակիմեան— Լազարեանք:

Ճեմարանս այս՝ որ առ 'ի պատիւ և 'ի յիշատակ Հիմնադրաց և
Պահպանողաց իւրոց՝ կրէ զկոչումն Լազարեանց կամ Լազարեան ճեմարան
Արևելեան յուսոյ, յամէն 1823 մինչև ցայժմ դասնի ընդ Հովա-
նաւորութեամբ Օգոստոսիառ Կայսերացն Ռուսաց, կալով նախ՝ ընդ
զլսաւոր և անմիջական հոգատարութեամբ Ջորաղլսապետին Թըն-
դանօթական զօրաց՝ Կոմսին Ալեքսեայ Անդրեասեան Արաքէ յեկայ,
ապա ընդ ընդհանուր տեսչութեամբ Աջակցի Կայսերական Մեծու-
թեան Ջորաղլսապետին Հեծելազօրաց՝ Կոմսին Աղեքսանդրի Բրիտ-
տափորեան ԲենիկնդորՅայ: Իսկ այժմ կայ ընդ իշխանապետական
վարչութեամբ Պայծառափայլ Կոմսին Ալեքսեայ Ֆեօդորովիչ Օռ-
ովայ:

ԿՏ 27/6

Печатано по определению Совета Лазаревского Института восточных языковъ, на основании § 62 ВЫСОЧАЙШЕ утвержденного Устава онаго Института. 20 Июля 1860 года.



2752-2007

Յառաւել պայծառութիւն ճեմարանիս՝ հրամանաւ Տէրութեան յօրինեցան 'ի Ս. Պետերբուրգ 'ի Նախարարական ժողովոյն Ազգային Առևտուրութեան առանձին կարգադրութիւնք, զորս նոյն իսկ ճեմարանն հրատարակեաց տպագրութեամբ 'ի Հայ և 'ի Ռուս լեզու յամի Տեառն 1830. տուան ապա և այլ պէսպէս ազատութիւնք, իրաւունք և առանձնաշնորհութիւնք ընդ ժամանակս ժամանակս, որպէս տեսցի և ընդարձակաբար 'ի մատենի և անոնադրութեանցն, որ կրկին լեզուօք՝ Հայերէն և Ռուսերէն, տպագրեցաւ աստ 'ի Մոսկվա 'ի տպագրատան ճեմարանի յամին 1832: Իսկ եթէ աստէն իսկ փափաքիցի ընթերցողն ունել ինչ տեղեկութիւն զնպատակէ, զկառավարութեանէ, զիրաւանց և զառանձնաշնորհութեանց, ևս և զՏանգամանաց արտաքին և ներքին կերպաւորութեանց այսր ուսումնարանի, շատասցի եղելովքս 'ի ստորև:

Նպատակ ճեմարանին:

1. Նպատակ ճեմարանին՝ է վարժել զՏայազգի և զօտարազգի մանկունս կարևորագոյն ուսմամբք եւրոպական և ասիական լեզուաց այնպէս, զի աւարտողքն 'ի նմա զընթացս ուսմանց ըստ սահմանադրեալն կարգի, եթէ իցեն յաշխարհական վիճակէ՝ կարիցեն ծառայել տէրութեան՝ մտանելով յարքունի պաշտամունս թէ 'ի զինուորականս և թէ 'ի քաղաքականս. իսկ եթէ իցեն յեկեղեցականաց Հայոց՝ կարիցեն ծառայել հայրենի եկեղեցւոյ իւրեանց, ստանձնելով զպաշտօն եկեղեցական՝ ըստ տնօրէնութեան հոգևոր իշխանութեան:

Կառավարութիւն:

2. Գլխաւոր իշխանապետութիւն ճեմարանին յանձն լինի առանձին ումբք կարգելոյ յՕգոստոսիառ կայսերէ, որ վարէ զայս պարտաւորութիւն ընդ անմիջական Բարձրագոյն տեսչութեամբ Նորին Մեծութեան:

3. Օ կառավարութիւնն ճեմարանի կացուցանեն. ա, Հոգաբարձուն. բ, Կառավարիչն. գ, Աւերատեսուչն. դ, Խորհրդարանն և ե, Կառավարութիւնն: Ի պէտս գործակատարութեան և հա-

շուարարութեան ըստ ամենայն մասանց կառավարութեանն՝ կարգի 'ի ճեմարանի Գրագիր, և այլ ոմն գործակից նմա:

4. Օայլագոյն Պատրիարզն և Կաթողիկոսն ամենայն Հայոց՝ է նախադաս Պատուաւոր Անդամ ճեմարանին. նոյնպէս և վիճակաւոր Արքեպիսկոպոսք Հայոց՝ են Պատուաւոր Անդամք նորին:

5. Կարգ ընդունելոյ և արձակելոյ զպաշտօնեայս ճեմարանին՝ հիմնաւորի 'ի կանոնս ընկալեալս 'ի վարժարանս որ ընդ նախարարութեամբ ազգային լուսաւորութեան: Հիմն ունելով զայսուսիկ կանոնս, այն ամենայն պաշտօնեայք՝ որք 'ի վարժարանս Նախարարին Ազգային Առևտուրութեան ընկալեալ և արձակեալ լինին 'ի Նախարարէն, 'ի Ազգարեանց ճեմարանին ընկալեալ և արձակեալ լինին 'ի Գլխաւոր իշխանապետէ նորին:

6. Գլխաւոր պարտաւորութիւն Հոգաբարձուի ճեմարանին՝ եղեալ կայ յայսմ՝ զի գտանիցէ զՏնարս առ 'ի ծաղկեցուցանել ըզնոյն ճեմարան, և զի ամենայն ոգւով հսկեցէ 'ի ներգործութիւնս ամենայն անձանց՝ որոց յանձն է կառավարութիւն ճեմարանին: Նա ինքն վճռէ զայն ամենայն գործս 'ի ճեմարանին՝ զորս 'ի վարժարանս նախարարին ազգային լուսաւորութեան բացորոշեն հոգաբարձուք համալսարանաց և ուսումնական շրջանաց նոյնին:

7. Հոգաբարձուն ճեմարանի ընտրեալ լինի 'ի գերդաստանէ Լազարեանց: Եթէ որ 'ի Տոհմէ Լազարեանց, որում պարտ իցէ ըստ սահմանադրութեանցս այսոցիկ ստանձնել զպաշտօն Հոգաբարձուի. ոչ ունիցի զաստիճան՝ զսեպհականեալն այսմ պարտաւորութեան, յայնժամ պատուոյ աղագաւ կրելով զաստիճանն զայն՝ կարող է լինել տեղակալ նորա, բայց հաստատի տիրապէս 'ի պաշտամանս յայսմիկ՝ երբ արքունի սպասահարկութեամբ ստացի զաստիճան աւագութեան, որ կարևորն է առ այս վախճան ըստ հասարակաց կանոնի:

8. Կառավարիչն ճեմարանի՝ է անմիջական իշխան և լիակատար կարգաւորիչ նորին ըստ ամենայն մասանց. և գոյով ստորակարգեալ հոգաբարձուի՝ ընտրեալ լինի 'ի նմանէ համաձայնութեամբ Գլխաւոր իշխանապետին: Նա ինքն կատարէ 'ի ճեմարանի զայն ամենայն պարտաւորութիւնս, զորս կատարեն Կառավարիչք Համալսարանաց և Աւարիչք Լիկեոնից (Լիցէյից), Աւարժարանաց (Գիմ-

նաղկայից), և այլոց նոյնօրինակ ուսումնարանաց: Ի՛նչ և անփոփոխ Նախագահ խորհրդարանի և կառավարութեան ձեմարանին: Մանրամասն պարտաւորութիւնք և իրաւունք նորա առհասարակ սահմանին յառանձին կարգադրութեան, զոր պարտի տալ նմա Հոգաբարձուն՝ հաստատութեամբ Գլխաւոր իշխանապետին: Կովին իսկ կառավարչի յանձն լինի տալ ամենայն պաշտօնակալաց ՚ի ձեմարանին զառանձին կարգադրութիւնս և հրահանգս հաստատեալս ՚ի Հոգաբարձուէն:

9. Ա՛րեւտեսուէն ձեմարանի է անմիջական օգնական կառավարչի առ հասարակ յամենայն մասունս կառավարութեան ՚ի ձեմարանին: Նա միայն իննամ ունի դասատուութեանց, և հսկէ ՚ի վերայ բարեկարգութեան ձեմարանին և բարեբարոյութեան աշակերտելոց: Ի բացակայութեան կամ ՚ի հիւանդութեան կառավարչին՝ սա լցուցանէ զամենայն պարտաւորութիւնս նորա ՚ի ձեմարանի, և նախաթոռ նստի ՚ի խորհրդարանի և ՚ի կառավարութեան: Ընտրեալ լինի և կարգի սա առաւելապէս ՚ի թուոյ ուսուցչապետաց ձեմարանին՝ պահելով նաև զպարտաւորութիւն ուսուցչապետի. բայց մարթի ընտրիլ և յօտար անձանց, այսինքն յայնց՝ որք չեցեն ՚ի թուոյ ուսուցչապետաց ձեմարանին:

10. Խորհրդարանին յանձնեալ լինի ՚ի ձեմարանի կարգադրել առհասարակ զամենայն առարկայս ուսմանց: Խորհրդարանն ընդ նախագահութեամբ կառավարչին՝ բաղկանայ ՚ի վերատեսչէն, յուսուցչապետաց, և յաւագ վարժապետաց: Բաց յայդցանէ՝ յանդամս խորհրդարանին մարթին ընտրեալ լինել հաւանութեամբ Հոգաբարձուին՝ նաև այլ անձինք համբաւեալք ուսումնականութեամբ կամ փորձառութեամբ ՚ի դաստիարակութեան մանկանց, և որք յանձն առնուցուն գործակից լինել յառաջագիտութեան ձեմարանին: Առարկայք, պարտաւորութիւնք և կարգ գործակատարութեանց ՚ի խորհրդարանի աստ՝ նոյն են ամենեկին որ ինչ ՚ի խորհրդարանս համալսարանաց և ինկէոնից եղելոց ընդ իշխանութեամբ նախարարին ազգային լուսաւորութեան:

11. կառավարութեան ձեմարանին յանձն լինի բարեկարգել զտնտեսական և զքաղաքական գործս: կառավարութիւնն ընդ նախագահութեամբ կառավարչի ձեմարանին՝ բաղկանայ ՚ի վերա-

տեսչէն, և ՚ի չորից խորհրդականաց, զորս հաստատէ Հոգաբարձուն, զմին՝ յուսուցչապետաց կամ յաւագ վարժապետաց ձեմարանին, իսկ զերեսն՝ ՚ի Հայոց հանապաղ ՚ի Մոսկվա բնակելոց: Առարկայք, պարտաւորութիւնք և կարգ գործակատարութեանց ՚ի կառավարութեան ձեմարանին նոյն են, որ ինչ ՚ի կառավարութեան Համալսարանաց և Վիկէոնից ընդ իշխանութեամբ կառավարին Ազգային Լուսաւորութեան եղելոց:

12. Աշակերտք ձեմարանին բաժանին ՚ի հասութատուս և ՚ի կէսհասութատուս: Աշակերտք հասութատուք բնակեալք ՚ի ձեմարանի՝ ընդունին բաց յուսմանց նաև զհանդերձս և զկերակուր. իսկ կէսհասութատուք որք երթեկէն ՚ի ձեմարանն վասն ուսման՝ ընդունին միայն զճաշ: Թիւ հասութատուաց սահմանի ՚ի 140 աշակերտս, և եթէ տեղին ներեսցէ՝ թիւ նոցա մարթի և ևս առաւելուլ առաջարկութեամբ կառավարչին և հաստատութեամբ Հոգաբարձուին: Թիւ կէսհասութատուաց ո՛չ բացորոշի, այլ կախի զկարգադրութեանէ կառավարչին և Հոգաբարձուին:

13. Ի թուոյ 140 հասութատուաց՝ չորքքին են հասութատուք նորին կայսերական Մեծութեան, և դաստիարակին ծախիւք Արքունի Գանձատան: Չորքքսասան աշակերտք ՚ի բնակչաց կաւկասու և յայնկոյս կաւկասու եղելոց՝ դաստիարակին նոյնպէս արքունի ծախիւք, և պատրաստին պաշտօնեայ ՚ի սահմանս կաւկասու և յայնկոյս կաւկասու: Երեսուն աշակերտք անուանին Լազարեան հասութատուք, և դաստիարակին տոկոսեք դրամադիւտցն ընծայելոց ՚ի գերդաստանէ Լազարեանց, և եկամտիւք կալուածոց շնորհելոց ՚ի նոցանէ ձեմարանին: Երկուք յաշակերտաց անուանին Գասպարեան հասութատուք, և վարժին տոկոսեք դրամադիւտցն ընծայելոց ՚ի Գասպարեան վաճառականէն: Գտանին նաև երկու հասութատու աշակերտք՝ որք կոչին Մնացականեան հասութատուք, և պահպանին տոկոսեք դրամադիւտցն ընծայելոց ՚ի Մնացական անուն. քաղաքացոյ Տիխիսայ: Քսան աշակերտք յեկեղեցականաց կրթին եկամտիւք եկեղեցեաց Հայոց՝ որ ՚ի Ս. Պետրբուրգ և ՚ի Մոսկվա. որոց վասն ևս ըստ կարգաւորութեան Սիւնհոդոսին Ս. Էջմիածնի՝ կայսերական հրամանաւ հաստատեալ է ՚ի ձեմարանի առանձին բաժին կամ Բաշիս (отдѣленіе): Իսկ մնացեալ եօթա-

նասուն աշակերտք դաստիարակին ծախիւք ծնողաց կամ ազգակա-
նաց, և անուանին ուսանողք սեպհական հասութիւ :

14. Դ թիւս հասութատուաց Կորին կայսերական Մեծութեան
ընկալեալ լինին որդիք աղքատ՝ բայց գովութեամբ ծառայող՝ աս-
տիճանաւորաց, առաւելապէս ՚ի Հայոց, ՚ի Վրաց և ՚ի Թաթարաց՝
ընակելոց ՚ի ներքին նահանգս Ռուսաստանի, ըստ խնդրոյ ծնողաց
կամ ազգականաց. զորոց զինդիրն միջնորդութեամբ Գլխաւոր Իշ-
խանապետի ճեմարանին պարտ է առաջի առնել Բարձրադոյն բա-
րեհաճութեան Կորին Մեծութեան : Հասութատու ուսանողք ՚ի
կաւկասէ և յայնկոյս կողմանց կաւկասու՝ ընտրին ըստ անմիջական
բացորոշութեան գլխաւոր կառավարչաց այնց կողմանց՝ ՚ի բնակչաց
անդր ծնելոց, և ՚ի մանկանց աստիճանաւորաց Ռուսաց : Լաղա-
րեան և Գասպարեան հասութատուք ընտրին յորդոց աղքատա-
զոյն ծնողաց Հայոց՝ առաւելապէս որբք, ըստ առաջարկութեան
Խորհրդարանին և հաստատութեան Հոգաբարձուին : Ծնողք, որք
յօժարին տալ զմանկունս իւրեանց ՚ի դասս հասութատուաց, տան
վասն այսր զինդրադիր Հոգաբարձուին, նոյն և զառանձին վկայա-
կան ՚ի սակս աղքատ վիճակի իւրեանց : Հասութատուք յեկեղե-
ցականց ընտրին յորդոց եկեղեցական պաշտօնէից Լուսաւորչական
դաւանութեան Հայոց. նոյնպէս և այն անձինք ՚ի Հայոց, որք ցան-
կան զորդիս իւրեանց նուիրել ՚ի վիճակ եկեղեցական : Ընկալեալ
լինին նոքա բացորոշութեամբ Հոգաբարձուի ճեմարանին՝ հաւա-
նութեամբ եկեղեցական իշխանութեան Լուսաւորչական Հայոց :

15. Ծնողք և ազգականք, որք յօժարին կարգել զորդիս իւր-
եանց ՚ի թիւս աշակերտաց սեպհական հասութիւ ուսանողաց և
կէսհասութատուաց, տան զինդրադիր կառավարչի ճեմարանին :
Յամենայն խնդրագիրս, որ տուեալ լինին յաղագս ընդունելոյ զման-
կունս ՚ի ճեմարանն, պարտ է յարել նաև զվկայականս վասն ծնն-
դեան և մկրտութեան, այլ և վասն պատուաստի ծաղկան, և զկոչ-
մանէ ծնողացն, ըստ հասարակաց սահմանադրութեան :

16. Մանայն աշակերտք, որք ընկալեալ լինին ՚ի ճեմարանն,
յառաջադոյն փորձին : Ընկալեալքն յառաջին կամ ՚ի ստորին դա-
սատունն՝ պարտին գիտել ընթեռնուլ և գրել ՚ի Ռուսաց կամ ՚ի
Հայոց լեզուի, ևս և գիտել զառաջին կանոնս Թուրքանութեան :
Աշակերտք մարթին ընկալեալ լինիլ ոչ միայն յառաջինն, այլ և

ուղղակի յերկրորդ, յերրորդ և ՚ի չորրորդ դասատունն, եթէ ՚ի
հարցափորձութեան անդ ցուցանիցեն՝ թէ ունին արդէն զբաւական
գիտութիւն այնց առարկայից, որք աւանդին ՚ի ստորին դասատանն :
Յառաջին և յերկրորդ դասատունս ընկալեալ լինին մանկունք, որք
չիցեն պակաս քան զտասնամեայ հասակն, և ոչ աւելի քան զե-
րեքտասանն. իսկ յերրորդ և ՚ի չորրորդ դասատունս այնք, որք չե-
ցեն աւելի քան զՏնգետասանամեայս : ՚ի հարցափորձի աշակերտաց
Մսիական կողմանց եկելոց՝ ըստ բացորոշութեան Խորհրդարանի
և ըստ հաստատութեան Հոգաբարձուի շնորհեալ լինին ինչ ինչ
բացառութիւնք :

17. Իւրաքանչիւր հասութատուք թէ յարքունուստ և յեկեղե-
ցեաց խնամեալք և թէ ՚ի ծնողաց պահպանեալք՝ յիւրաքանչիւր
ամի վճարեն ճեմարանին երեք հարիւր ուսպիլ արծաթ : Բաց յայդ-
մանէ, ՚ի մտանել աշակերտաց ՚ի ճեմարանն՝ ՚ի պէտս նախնական
պիտոցից վճարեն միանգամ միայն երեսուն և հինգ ուսպիլ արծաթ :
Ծնողք կամ ազգակիցք կէսհասութատու աշակերտաց վճարեն
հարիւր վաթսուս ուսպիլ արծաթ ՚ի տարւոյ : Հատուցումն դրա-
մոց առ հասարակ վասն իւրաքանչիւր աշակերտաց լինի երկիցս յա-
մին, յառաջին աւուր Յունվարի և յառաջին աւուր Յուլիսի : Եթէ
յրնթացս Յունվարի և Յուլիսի սեպհական հասութիւ դաստիարա-
կեալ աշակերտք ոչ վճարեսցեն զպահանջեալ դրամն, արձակեալ
լինին նոքա ՚ի ճեմարանէն : Եթէ որ ՚ի հասութատուաց յրնթացս
կիսոյ տարւոյ ՚ի սակս զինչևիցէ պատճառի արտաքս ելանիցէ ՚ի ճե-
մարանէ, վճարն դրամոյ նորա ոչ դարձուցանի նմա յետ, այլ մնայ
յօգուտ ճեմարանին :

18. Մարկայք ուսմանց ճեմարանին են
ա. Ուսումն կրօնական :

բ. Արևելեան լեզուք. 1, Հայոց. 2, Արաբացոց. 3, Պարսից.
4, Տաճկաց. 5, Վրաց և 6, Թաթարաց :

գ. Մարկայք աւանդեալք ՚ի վարժարանս (Գիմնազիայս), որք
են. 1, Գրականութիւն Ռուսաց. 2, Մատենաթիկա և Բնա-
գիտութիւն. 3, Աշխարհագրութիւն զոյգ ընդ վիճակագրական
տեղեկութեանց. 4, Պատմութիւն ընդհանուր և Ռուսաց. 5,
Օրէնք Ռուսաց. 6, Լատինական լեզուն. 7, Գերմանական.
8, Գաղղիական :

դ. Արուեստք. 1, Վայելչագրութիւն. 2, Նկարչութիւն և Գծագրութիւն. 3, Կարձակումն:

19. Աշակերտք, որք պատրաստին յեկեղեցական վիճակ Լուսաւորչական Հայոց դաւանութեան, ուսանին զՏեառաբայ առարկայս. 1, զԼեզուն Ռուսաց, ևս և զմին յԱրուպականաց, այն է՝ կամ զԳաղղիացւոց կամ զԳերմանացւոց. զԵզու Հայոց, ևս և ըզմին յարեւելեան լեզուաց, այն է՝ կամ զՊարսից, կամ զՏաճկաց, կամ զԹաթարաց. 2, զՄաթեմատիկա, զԲնաբանութիւն, զԱշխարհագրութիւն և զՊատմութիւն. իսկ յարուեստից անտի՝ ըզՎայելչագրութիւն և զՆկարչութիւն. 3, զԱսուծիմ Կրօնական և զԼրացուցիչ գիտութիւնս, որք պարունակեն զՏեառաբայ մասունս, այնք են՝ բովանդակն Տաւադարաբանութեան՝ Տամաճայն կանոնաց եկեղեցւոյ Լուսաւորչական Հայոց, բովանդակն մեկնութեան Աստուածաշունչ գրոց, Բացատրութիւն Պատարագի, և Պատմութիւն Եկեղեցական: Բաց յայդցանէ՝ բացատրեալ լինին նոցա պարտաւորութիւնք ճշմարիտ հոլուաց եկեղեցւոյ առ աստիճան իւր, առ Կառավարութիւնն և առ մարդիկ առհասարակ: Աշակերտաց՝ նուիրողաց զանձինս ՚ի վաճառականութիւն, աւանդին լրացուցիչ գիտութիւնք, այնք են՝ Տումարագիտութիւն, ևս և զգիտութիւնք վերաբերեալք առ վաճառականութիւն և առ վաճառելի նիւթս:

20. Առհասարակ ամենայն աշակերտք ճեմարանին՝ բաց յեկեղեցականաց, պարտաւոր են ուսանել զմին Արեւելեան լեզուաց՝ ըստ սեպչական ընտրութեան իւրեանց, զՏաճկացն, զՊարսիցն, կամ զԹաթարացն՝ օգնութեամբ Արաբացի լեզուին: Ամենայն Հայք առանց բացառութեան պարտին ուսանել զԵզուն Հայոց, Վերք՝ զՎրացն, Թաթարք՝ զԹաթարացն: Կաւկասեան հասութատու աշակերտք ուսանին զԵզու սահմանաց իւրեանց: Ուսումն Գերմանական և Լատին լեզուաց ոչ է պարտաւորութիւն վասն ամենայն աշակերտաց, այլ թողեալ լինի ՚ի կամս նոցա՝ ուսանիլ զայնս, կամ ոչ: Աշակերտք որք պատրաստեն զանձինս մտանել ՚ի Համալսարան, հարկաւ պարտին ուսանել զԵզուն Լատինական:

21. Բովանդակ տեղութիւն ուսմանց բաժանի յութ դասակարգս, յորոց վեցք՝ են աւանդեալքն ՚ի Գիմնազիայս, կամ հանրականք. իսկ երկուք՝ մասնականք կամ վերինք, ՚ի պէտս Արեւ-

ելեան լեզուաց: Բաց յայցանէ զոյ ՚ի ճեմարանի և առանձին Նախարարական բաժին ՚ի սակս վարժութեան մատաղահաս մանկանց. զոր Եղիսնասպետն Յովհաննէս և Խաչատուր Յովակիմեանք— Լազարեանք յամի 1850 հրամանաւ Տէրութեան հաստատեցին առ յիշատակի վաղամեռիկ մանկանն Յովհաննու Խաչատրեան Լազարեանց՝ նուիրելով ՚ի պահպանութիւն նորին զվարժսուն հազար ուսպլի արծաթ: Բաժանումն առարկայից ըստ դասատանց, և կարգումն ժամուց ուսմանց, յանձն լինի Խորհրդարանի ճեմարանին՝ հաստատութեամբ Հոգաբարձուին: Ուսումն Արեւելեան լեզուաց սկսանի ՚ի ստորին Գիմնազիական դասատունս, և աւարտեալ լինի ՚ի վերին կամ ՚ի մասնական դասատունս: Վերին դասատունքս առաւելապէս կարգին յուսումն Արեւելեան Գրականութեան, ՚ի գործադրական վարժութիւն Արեւելեան լեզուաց, և ՚ի դասատուութիւն Գրականութեան Ռուսաց: Գասատուութիւնն ՚ի ճեմարանի աւանդի այնու եղանակաւ, որ արդէն ընկալեալ է կամ յապայն ընկալեալ լնցի ՚ի վարժարանս՝ ընդ իշխանութեամբ Նախարարին ազգային Լուսաւորութեան եղեալս:

22. Ի պէտս դասատուութեան ՚ի ճեմարանի կարգին Գասատուք Կրօնական ուսմանց, Ուսուցչապետք, Աւագ և Կրտսեր վարժապետք: Գասատուք Կրօնական ուսմանց կարգին առ աւանդել զուսումն Կրօնի, մին՝ վասն Ռուսաց դաւանութեան, և միւսն՝ վասն Լուսաւորչական Հայոց դաւանութեան: Բաց յայդցանէ, առ ուսուցանելոյ զլրացուցիչ գիտութիւնս՝ աշակերտաց պատրաստուցս զինքեանս առ եկեղեցական վիճակ, կարգի ոմն Գասատու յեկեղեցականաց Լուսաւորչական Հայոց: Ուսուցչապետք կարգին. 1, վասն Ռուսաց Գրականութեան. 1, վասն Հայոց լեզուի. 1, վասն Արաբացւոց և Պարսից. և 1, վասն Տաճկաց և Թաթարաց: Աւագ Ուսուցիչք կարգին՝ 1, վասն Գրականութեան Ռուսաց. 1, վասն Հայկականին. 1, վասն Արաբացւոց և Պարսից. 1, վասն Վրաց. 1, վասն Թաթարաց և Տաճկաց. 1, վասն Լատին լեզուի. 1, վասն Օրինագիտութեան Ռուսաց. 2, վասն Մաթեմատիկայի (յորոց մին ուսուցանէ զԲնագիտութիւն, իսկ միւսն՝ զԵրկրաչափութիւն). 1, վասն Պատմութեան (որ և ուսուցանէ զՔաղաքագիտական Աշխարհագրութիւն զոյք ընդ Վիճակագիտական տեղե-

կու(թեանց) . և 1, վասն Վաճառադիտութեանց: Կրտսեր Ուսուցիչք կարգին . 1, վասն Ռուսաց . 1, վասն Հայոց . 1, վասն Գաղղեացուց . և 1, վասն Գերմանական լեզուի: Բաց 'ի դոցունց՝ զբտանին ևս 'ի ճեմարանի . 1, Ուսուցիչ Պատկերահանութեան և Գծագրութեան . և 1 ևս՝ վասն Վայելչագրութեան: 'ի կարգին զՈւսուցչապետս և զՈւսուցիչս՝ պահպանին կանոնք հաստատելք 'ի սակս կարգելոյ զՈւսուցչապետս 'ի Լիցէյս, և զՈւսուցիչս 'ի Գիմնազիայս՝ ընդ տեսչութեամբ Նախարարին ազգային Լուսաւորութեան գտեալս:

23. 'ի սակս Ժամուց դասատուութեան ուսմանց, բաժանման Ժամանակաց, աղատութեան Ժամանակի յուսմանէ, եղանակի հարցաքննութեան, և այլոց մանրամասն հանգամանաց Ուսումնական կազմածոյ ճեմարանին, ընկալեալ լինին այն կանոնք՝ որք արդէն սահմանեալ են 'ի պէտս Լիցէյից և Գիմնազիայից՝ ընդ տեսչութեամբ Նախարարին ազգային Լուսաւորութեան եղելոց:

24. Սանս հսկողութեան 'ի վերայ աշակերտաց՝ կարգին առանձին 'ի ճեմարանի աւագ և կրտսեր վերակացուք, որք անմիջապէս ստորագրին Վերատեսչին:

25. 'ի ճեմարանի գտանին նպաստք ուսումնականութեան . 1, Մատենադարան . 2, Գրամարան . 3, Թանգարան Բնագիտութեան և Չափագիտութեան: Խնամակալութիւն դոցին յանձն լինի Վերակացուաց կամ Վարժապետաց՝ ըծտ ընտրութեան կառավարչին և հաստատութեան Հոգաբարձուին:

Իրաւունք և առանցնաշնորհութիւնք:

26. Ճեմարանին պարգևեալ են այն ամենայն իրաւունք և առանձնաշնորհութիւնք, զորս ունին Լիցէյք՝ ընդ տեսչութեամբ Նախարարին ազգային Լուսաւորութեան գտեալք: Յայտոսիկ իրաւունս հիմնեալ . ա, Ունի ճեմարանն զիւր սեպհական կնիք՝ գծագրութեամբ կայսերական Արժուէնշանին: Բ. Ազատ է 'ի վճարելոյ զկշռական դրամս յառաքելն զնամակս և զայլ իրս առ գործադրութիւն իւր վերաբերեալս, եթէ չիցեն այնք ծանր քան զմի փուտ: Գ. Ազատ է 'ի կիրաւութենէ արժուէնշան թղթոց, և 'ի վճարելոյ

լոյ զսակ հարկաց, և յայլոց հարկատուութեանց, և առհասարակ յամենայնէ՝ որ վերաբերին առ գործադրութիւնս նորին: Դ. Ունի իրաւունս յանուն իւր 'ի լոյս ընծայել զճառս, դքննութիւնս, ըզցուցակս, և զհաշիւս . միայն թէ՛ այնք կանխաւ զնենցսն 'ի Խորհրդարանի՝ ըստ կանոնաց քննողաց զգիրս: Ե. Չայն ամենայն մատեանս, զորս 'ի սակս ուսումնական պիտոյից տացէ բերել յօտար աշխարհաց, թոյլ տուեալ լինի մուծանել յայս Տէրութիւն առանց վճարելոյ զարքունի հարկս: Զ. Ազատ է 'ի վճարելոյ գտնական հարկըս վասն շինուածոցն ինքեան պատշաճելոց, թէ՛ 'ի տալոյ իջեանս զօրաց, և թէ՛ 'ի վճարելոյ դրամս: Նոյնպէս ազատ է և յայլ ամենայն քաղաքական հարկատուութեանց, բաց 'ի յարգարելոյ դքարայատակ փողոցի և 'ի լուցմանէ լապտերաց: Է. Ունելով զիւր սեպհական Տպարան, մարթի ունել և զկրպակ գրաւաճառութեան:

27. Վմենայն աստիճանաւորք 'ի ճեմարանի ունին իրաւունս կայսերական ծառայութեան, և վայելին զամենայն արտօնութիւնս պարգևեալս անձանց ծառայողաց 'ի վարժարանս՝ ընդ տեսչութեամբ Նախարարին ազգային Լուսաւորութեան եղեալս, իմն՝ 'ի Լիցէյս Գէմիդոյեան և Բեզբօրօսկինեան. նոյնպէս և 'ի վարժարանի Ազնուականաց և 'ի Գիմնազիայս՝ որ 'ի Մոսկովս, և յայլ նման ուսումնարանս: Կառավարիչն, Վերատեսչն, Գասատուք կրօնական ուսմանց, Գասատուք լրացուցիչ եկեղեցական ուսմանց, Ուսուցչապետք, Աւագ և կրտսեր վարժապետք, Ուսուցիչն Նկարչութեան, և Վերակացուք ճեմարանին, նոյնպէս և ընտանիք նոցա ընդունին զմշտնջենաւոր թոշակ, և առ մի նուազ նպաստ դրամոց: Իսկ թոշակը և նպաստք այլոց պաշտօնատարաց ճեմարանին և բնտանեաց նոցա սահմանին ըստ հասարակաց կանոնադրութեան: Այս ամենայն ծախք վճարին 'ի գումարէ արքունի Գանձատան: Վասն այսորիկ 'ի թոշակաց անտի ծառայողաց 'ի ճեմարանի՝ 'ի բաց առեալ լինի յօդուտ Գանձարանին օրինադրեալ մասնն:

28. Մշակերտք ուսանողք 'ի ճեմարանին՝ ժառանգեն զյետագայ իրաւունս:

ա. Մշակերտաց՝ յառաջադէմ զարդացելոց 'ի բովանդակ լրացեալ ուսմունս՝ ո՛չ միայն 'ի հանրական՝ այլ և 'ի մասնական դասատունս, և արժանացելոց զովասանական վկայականաց, 'ի մտա-

նելն 'ի քաղաքական ծառայութիւնս՝ տուեալ լինի երկոտասաներորդ աստիճան. և 'ի յառաջանալն յաստիճանս՝ համարեալ լինին նոքա յառաջին դասակարգի. իսկ 'ի մտանելն 'ի զինուորական ծառայութիւն՝ ունին նոքա իրաւունս հաւասարս Ուսանողաց (Սըտուդենթից) Համալսարանաց՝ առ ստանալոյ զառաջին աստիճան զօրական Պաշտօնակալի (Օֆիցերի), եթէ միայն հմուտութեամբ պաշտամանն արժանի լինիցին այնմ:

բ. Աշակերտք, որք աւարտեն զընթացս ուսմանց 'ի հասարակ կամ 'ի Գիմնազիական դասատունս, ստանան զամենայն իրաւունս այնց աշակերտաց, որք աւարտեն զուսմունս 'ի Նահանգական Գիմնազիայս: Ըստ այսմ կանոնի՝ յառաջադէմ աշակերտքն զկնի աւարտելոյ զԳիմնազիական գիտութիւնս, եթէ ոչ կամիցին ուսանիլ զգիտութիւնս 'ի բարձր կամ 'ի մասնական դասատունս, այլ կամին արտաքս ելանել 'ի ճեմարանէ, վարձատրին ոսկեղէն կամ արծաթի մետալիւ՝ գովասանական վկայագրով և մատնիւք, ըստ դատողութեան Խորհրդարանի ճեմարանին, և հաստատութեան Հոգաբարձուին: Աշակերտք, որք գովանի յառաջադիմութեամբ աւարտեն զԳիմնազիական գիտութիւնս, և ըստ ծագման ծննդեան իւրեանց ունին իրաւունս մտանելոյ Պէրքունի ծառայութիւն, և զանձեն ինքեանց զլիակատար գիտութիւն օրինաց Ռուսաց, յիւանելն իւրեանց 'ի ճեմարանէ՝ վարձատրին աստիճանաւ չորեքտասաներորդ կարգի: Իսկ աշակերտք 'ի զաւակաց անձնական Պատուարժան քաղաքացեաց, վաճառականաց և Ժողովրդականաց (մէշանին), արժանացեալք ընդունել 'ի վարձ գոսկի կամ զարձաթի մետալս, ստանան զկոչումն Պատուարժան քաղաքացեաց:

գ. Աշակերտք ճեմարանին՝ որք ոչ աւարտեն զամենայն Գիմնազիական գիտութիւնս, և ելանեն 'ի ճեմարանէն՝ յետ աւարտելոյ զուսմունս 'ի հինգերորդ կամ 'ի չորրորդ դասատունս, ընդունին զվկայագիր, յորում նշանակին առարկայք ուսմանց, և յառաջադիմութիւնն յիւրաքանչիւրան յայնցանէ: Հիմն ունելով զպայտիսի վկայագիրս, եթէ 'ի նոսին նշանակեալ իցէ բաւականապէս յառաջադիմութիւնն յամենայն առարկայս բացորոշեալս 'ի ցուցակին՝ որ եղեալ կայ 'ի 600 տնահամարն երրորդ հատորոյ Օրինաց յաղագս ծառայութեանց նշանակելոց 'ի Տէրութենէն, 'ի հինգերորդ

չարունակութեան, աշակերտք ճեմարանին 'ի բարձրանալն յառաջին կարգ աստիճանի կամ Պատուարժան քաղաքացոյ՝ աղատեալ լինին յայնմ հարցափորձութենէ, զոր պահանջէ վերոյիշեալ տնահամարն: Իսկ այն աշակերտք, յորոց 'ի վկայագիրս ցուցանին ոչ ամենայն առարկայք նշանակեալք 'ի ցուցակին, կամ թէ յոմանս յայնցանէ նշանակեալ իցէ անբաւական վկայութիւն, այնպիսիքն օրինաւոր կարգաւ հարցափորձեալ լինին թէ 'ի սոյնս և թէ 'ի պակասեալ առարկայսն:

դ. Աշակերտք ճեմարանի, որք պատրաստեն զանձինս առ վաճառականութիւն, յաւարտելն զըզմանդակութիւն ուսմանց՝ ստանան զայն ամենայն իրաւունս և արտօնութիւնս, զորս ընդունին աշակերտք ուսանողք 'ի վերնագոյն վարժարանս վաճառականութեան (Պանսիօն)՝ որ 'ի Ս. Պետերբուրգ: Ըստ այսմ այնք յաշակերտաց ճեմարանի, որք ըստ իրաւանց ծննդեան ոչ պատշաճին առ սերունդական Պատուանուն քաղաքացութիւն, յետ աւարտելոյ զըզմանդակ ուսմունս 'ի ճեմարանի՝ արժանի լինին ընդունել 'ի կառավարող Մինկղիտտէն զկոչումն անձնական Պատուանուն քաղաքացութեան:

ե. Առ քաջալերութիւն աշակերտաց ճեմարանին գերազանցելոց 'ի տարեկան հարցաքննութեան՝ տուեալ լինին պարգևք. որոց ուսանինն 'ի հանրական և 'ի Գիմնազիական դասատունս՝ պարգևքն առեալք աշակերտաց Գիմնազիայից. իսկ որոց ուսանինն 'ի մասնաւոր դասատունս՝ պարգևքն տուեալք 'ի Լիցէյս՝ ընդ տեսչութեամբ Նախարարին ազգային Լուսաւորութեան գտեալս:

Պարտականութիւնն աշակերտաց:

29. Առ հասարակ ամենայն աշակերտք ճեմարանին, թէ ուսանողք արքունի թոշակաւ և թէ ուսանողք գլխովք զրամոց ճեմարանին, այն է Հասութատուք Նորին կայսերական Մեծութեան, աշակերտք կաւկասայինք և յայնկոյս կաւկասու եղեալք, և Լազարեան աշակերտք, պարտական են աւարտել զըզմանդակութիւն ուսմանց 'ի ճեմարանի, և ապա անհրաժեշտ ծառայել զամս վեց. Հասութատուքն Նորին կայսերական Մեծութեան՝ անդ, ուր կայսեր-

րական Մեծութիւնն հրամայէ, ըստ առաջարկութեան Գլխաւոր Իշխանապետի ճեմարանին. Հասութատուքն 'ի սահմանաց Կաւկասու և յայնկոյս Կաւկասու եղեալք՝ անպատճառ 'ի նոյն սահմանս, ըստ բացորոշելոյ Գլխաւոր Կառավարչաց այնց տեղեաց: Ազգարեան Հասութատուքն՝ ըստ որոշելոյ Հոգաբարձուի ճեմարանին՝ կարգին կամ 'ի ճեմարանի անդ՝ իբր վերստին աւանդիչք ընկալեալ ուսմանց, իբր վերակացուք, իբր կրտսեր ուսուցիչք Արեւելեան լեզուաց, և կամ յայլ վարժարանս Հայոց՝ ըստ հասարակ կանոնաց: Սակայն Ազգարեան Հասութատուք՝ թոյլտուութեամբ Հոգաբարձուին կարող են ազատաբար մտանել 'ի ծառայութիւն և կամ 'ի Համալսարանս՝ առ կատարելագործելոյ զանձինս 'ի գիտութիւնս, պարտաւոր դրով յետ աւարտելոյ զուսմունս 'ի Համալսարանի՝ նոյնպէս ծառայել զամս վեց 'ի ճեմարանի, եթէ յայտ պարտաւորութենէն ոչ ազատեցնին 'ի Հոգաբարձուէն: Յընթացս այսց ամաց ոչ որ 'ի վերոյ գրեալ Հասութատուաց մարմի արձակիլ 'ի ճեմարանէ, բաց 'ի զիպուածոյ ծանր հիւանդութեան, բայց և յայնժամ այսու անսխալիս պայմանս՝ զի յառողջանալն 'ի հիւանդութենէն՝ զարձցի վերստին 'ի նոյն ծառայութիւն, ըստ բացորոշելոյ վերոյ գրեալ մեծաւորաց, առ աւարտելոյ զանկատար մնացեալ ժամանակն ծառայութեան:

'ի Համալսարանին Մոսկվայ դասնին հինգ պարապ տեղեր վանս Ստուդենտից յաշակերտաց ճեմարանին, որք յետ աւարտելոյ անդանոր կամ զլիակատար կամ զԳլխաւորական ուսմունս, ցանկան լսել նաև դասատուութիւնս 'ի Համալսարանի: 'ի սակա իւրաքանչիւրոց այսց Ստուդենտից տուեալ լինի յԱրքուհի Գանձարանէ և ըրքհարիւր ուրբի արծաթ, համաձայն այնմ օրինաց՝ ըստ որոյ վճարեալ լինին պղպիսի դրամք 'ի պէտս Ստուդենտից 'ի Կաւկասեան աշակերտաց: Կորս բնակին խառն ընդ Ստուդենտից Կաւկասեան աշակերտաց, և կան ընդ տեսչութեամբ մի և նոյն Գլխաւոր Աւերատեսչի: Սոյն այս Ստուդենտք 'ի Ազգարեան ճեմարանէն՝ յետ աւարտելոյ զուսմունս 'ի Համալսարանի անդ, ըստ կարգադրութեան Հոգաբարձուի ճեմարանին՝ կամ մնան 'ի ճեմարանի անդ՝ առ 'ի կատարել գլխապէս պարտաւորութիւնս, և ծառայել անդանոր ոչինչ պակաս քան զվեց ամս, և կամ արձակեալ

լինին 'ի Հոգաբարձուէն՝ առ 'ի ծառայել 'ի կողմանս Կաւկաս և կամ անոր քան զԿաւկաս. ուրանոր նոյնպէս պարտին ծառայել զամս վեց, և վայելին զայն զամենայն իրաւունս, որք սեպհական է: Ստուդենտից Կաւկասեան աշակերտաց առ հասարակ:

Սմանք 'ի Ազգարեան Հասութատուաց՝ ըստ բացորոշելոյ Հոգաբարձուին՝ կարեն նոյնպէս պատրաստել զնրբեանս 'ի վիճակ վաճառականութեան: Եւ այդպիսիք յաւարտելն զուսմունս՝ յետ բացորոշելոյ Հոգաբարձուին կարեն յանձն առնուլ զվիճակ վաճառականութեան, կամ մնալ 'ի ճեմարանի, և կամ կարգիլ ուսուցիչ յայլ դպրոցս Հայոց: Յերկոսին վերջին զիպուածս վայելին նորս զայն ամենայն իրաւունս՝ որ սեպհական են աշակերտաց պատրաստողաց զնրբեանս՝ յարքունի ծառայութիւն, պարտաւոր դրով նրման այնց ծառայել զամս վեց:

Կասպարեան Հասութատուք յաւարտելն զուսմունս՝ պիճակալ լինին 'ի ճեմարանէ, առ ստանձնելոյ ըստ կամաց իւրեանց զգործս վաճառականութեան:

Կերպանցեալքն յուսմունս վաճառականութեան 'ի Աշգրեան Հասութատուաց՝ ըստ առաջադրութեան Հոգաբարձուի ճեմարանին և ըստ հաստատութեան Գլխաւոր Իշխանապետին՝ մարկիւն ըստ ներկոյ հանդամանաց առաքիլ յայլ երկիր արտաքոյ սահմանաց Տէրութեան՝ առ կատարելագործելոյ զանձինս յուսմունս և 'ի գործս վաճառականութեան, ընդունելով զթուղթ արձակման:

Մշակերտք, որ յեկեղեցական վիճակէ, յաւարտելն զբով սնդակութիւն ուսման՝ անկանին ընդ իշխանութեամբ եկեղեցական Մեծաւորաց Լուսաւորչական Հայոց:

Դիւանապետն ճեմարանին:

2452-2007

30. ճեմարանն ունի զԴիւանատուն, յորում յօրինին օրագրութիւնք թղթոց՝ որք առաքին անտի արտաքս, և որ ընկ գեալ լինին 'ի ներքս. և համառօտաբար նշանակին յայն բովանդակութիւնք իւրաքանչիւր թղթոց, թուահամարք այնոցիկ, և օրն՝ յորում ընկալեալ կամ առաքեալ լինին: Յայտ իսկ դիւանաւան պահպանի զիւսման գործոց, և ցուցակագիր նոցին:



Հիանդրանոց Ճեմարանին :

31. Դ ճեմարանի յառանձին տեղւոջ գտանի Հիանդրանոց ընդ տեսչութեամբ հմուտ բժշկի. ուր և վասն հանապազօրեայ բարեկարգութեան հսկէ 'ի վերայ հիանդաց պաշտօնեայ ոմն (Քեյլտշէր) :

Ոստանական նպաստ 'ի ճեմարանի :

32. Ղ ճեմարանն վասն ամենայն աշակերտաց պատրաստեալ ունի զուսումնական նպաստս կամ գործիս՝ միայն առ 'ի գործածութիւն, որպիսի են արուեստակերտ գունտը, աշխարհացոյցք և այլն : Բաց յայսցանէ՝ ունի ևս 'ի պատրաստի զՄատենադարան, զբազում Չափաբերական և Բնաբանական գործիս, զազգի ազգի բերս երկից տարերաց բնութեան, և զհանդիսարար հին դրամոց և մտալից : Զգրեանս 'ի մատենադարանի եղեալս (որք են աւելի քան զտասն հազար) կարեն վարել միայն ընտիր աշակերտք. իսկ ընտրողութիւն նոցին՝ ըստ առանձին կանոնաց առ այս նիւթ վերաբերելոց՝ կախի զխոհականութենէ Վերատեսչին :

Տպարան և յաւարան ճեմարանին :

33. Լ ընթերցելի ճեմարանին գտանի գործարան գրատպութեան, զոր յամի Տեառն 1829 կառուցին հարազատ ժառանգք հիմնադրաց ճեմարանին՝ Ներգործական պետական խորհրդականքն և սենեկապետքն կայսերական դրան Յովհաննէս և Խաչատուր Յովակիմեանք—Ղազարեանք, ծախեալ վասն այնր յարդեանց իւրեանց իրր 30 հազար ուրլի արծաթ : Ի տպարանի աստ տպագրին մատենանք յայլ և յայլ լեզուս, այն է՝ 'ի Հայոց, 'ի Ռուսաց և 'ի Գաղղիացւոց 'ի ձեռն արագատիպ մեքենայից ընտիր և նորաձև տառիք : Տպարանն ճեմարանիս ունի նաև զձուլարան տառից, որ ձօին է նորահնար և ընտիր մեքենայիք և գործեօք :

(Հանդէս 'ի ճեմարանին յՅիշատակարան Ղազարեան Տոհմի՝ Իւլիոյ, Ըրեմբուլ)

'ի Մ. Մ. Երեւոյ 'ի 1856 թ) :



ՀՀ Ազգային գրադարան



NL0835288

ՀՀ Ազգային գրադարան



NL0362518

